

Вечером 19 мая

Изменяемое №1

На Господи воззвах:

Стѹх: Изведѹ из темницы дѹшу мою, исповѣдаться ѹмени Твоемѹ.

Стѹх: Менѣ ждѹт праведницы, дѡндеже воздаси мнѣ.

Стѹх: Из глубины воззвах к Тебѣ, Господи, Господи, услыши глас мой.

Стѹх: Да бѹдут ѹши Твоѹ внѣмлюще гласу молѣния моего.

Стѹх: Аще беззаконія нѣзриши, Господи, Господи, кто постоит; яко у Тебѣ очищѣние естъ.

Стѹх: Имене ради Твоего потерпѣх Тя, Господи, потерпѣ дѹшѣ моя в слово Твое, уповѣ дѹшѣ моя на Господа.

Стѹх: От стражи ѹтренняя до нѡщи, от стражи ѹтренняя, да уповѣет Израиль на Господа.

Глас 6. Все отложив мирское пристрастие, преподобне,/ и крест твой на рамо взем,/ чистым и немятежным умом Христу последовал еси:/ в пустыни, яко в рай, живый,/ Тому угодил еси,/ яко безплотен, на земли жительствуя,/ постом, и молитвою, и всеночными стоянии/ страсти умертвил еси,/ молчанием же и богомыслием Богу соединился еси,/ Егоже моли о душах наших.

Стѹх: Яко у Господа милость, и многое у Него избавление, и Той избавит Израиля от всех беззаконий его.

Тихое и безмятежное житие пожив,/ в месте безмолвием уединяся,/ непрестанною молитвою Богу бесѣдовал еси/ и поучением Божественных писаний,/ яко дождем благодати,/ ниву твоего сердца богато напоил еси, Богомудре,/ тем и Святаго Дѹха вмѣстѣлище показѣлся еси/ и плод сторицествующ принѣсл еси,/ преподобне ѡтче наш Ниле приснопамятне,/ молися ѹбо вѹну ко Господу о душах наших.

Стѹх: Хвалите Господа всѹ языцы, похвалите Его всѹ людие.

Неуклонно шествуя, преподобне,/ путем Христовых заповедей,/ отеческих Богомудрых преданий/ опасный хранитель был еси,/

Нїле Богомудре, отче наш приснопамятне,/ к сим и законоположник и основатель в Россійстей землі/ скітскаго жїтельства показался есі,/ и, яко скрижали завета,/ твоя богомудрая словеса и предания/ твоему житію послѣдовати желющим/ оставил есі, отче./ Тем молим тя, преподобне,/ Христу прилежно молися о душах наших.

Стїх: Яко утвердїся мїлость Егб на нас, и їстина Господня пребывает во век.

Любовию ко Христу уязвлен быв, преподобне,/ Того страсти спасительныя/ непрестанно во уме обносил есі/ и сих подражатель изряден показался есі,/ постными подвиги плоть распиная со страстьми и похотьми,/ острою же власницею и иным жестокожїтием/ плоти неудобопокорливое души разумному покорил есі./ Тем молим тя, Боголюбѣзне отче наш Нїле приснопамятне,/ Христу прилежно молися о душах наших.

Слѣва, глас 8: Скїтскаго жїтельства наставника тя почитаем,/ отче наш Нїле,/ твоєю бо стезею воистинну право ходити в безмолвии пустыни познахом:/ правый бо путь сего жїтельства словесы и дѣлы показуя,/ яко образ одушевлен, самаго себе нам представил есі./ И блажен есі истинно, яко, сотворив, научил есі,/ тем и велий в Царствии Небеснем, по глаголу Господню, нареклся есі./ Тому бо трудолюбно поработав/ и вражую всю силу, козни и ловительства, яко паучину, разтерзав,/ победоносец во всех показался есі/ и ко Христу венценосец востекл есі, радуясь./ Егоже моли, преподобне,/ о всех, верою совершающих твою память всесвященнейшую,/ еже дароватися нам грехов прощению/ и велией мїлости.

И ныне, Богородичен: Царь Небесный за человеколюбие на земли явился,/ и с человеки поживе,/ от Девы бо Чистыя плоть приемый/ и из Нея прошедый с восприятием./ Един есть Сын, сугуб естеством,/ но не Ипостасию./ Темже совершенна Того Бога/ и совершенна Человека воистину проповедающе,/ исповедуем Христа Бога нашего:/ Егоже моли, Мати Безневестная,/ помиловатися душам нашим.

<далее см. основной Чин>

Изменяемое №2

Прокїмен после «Свете тихий»: *См. Прокимен дня <далее см. основной Чин>*

Паримии:

Пророчества Исаиина чтение (глава 35):

**Ра́дуйся, пусты́ня жа́ждущая,/ да веселі́тся пусты́ня и да цветёт
яко крин./ И процветёт, и возвеселі́тся пусты́ня Иорда́нова,/ и сла́ва
Лива́нова даде́ся ей, и честь Карми́лова,/ и ўзрят лю́дие Мой сла́ву
Госпо́дню и высоту́ Бо́жию./ Укрепі́тесь, ру́це осла́бленные и колéна
рассла́бленная,/ утёшится, малоду́шнии умом, укрепі́тесь, не
бо́йтесь:/ се Бог наш суд воздаёт и воздаст,/ Той при́дет и спасёт
нас/ Тогда́ отвёрзутся о́чи слепы́х и ўши глухы́х услы́шат./ Тогда́
скочит хромы́й яко елэны/ и ясен бу́дет язы́к гугни́вых,/ яко
прото́ржеся вода́ в пусты́ни и дебрь в землі́ жа́ждущей;/ и
безводная бу́дет во езе́ра/ и на жа́ждущей землі́ исто́чник водны́й
бу́дет,/ та́мо бу́дет весéлие пті́цам и селі́тва трóсти и лу́зи./ И та́мо
бу́дет путь чист и путь свят наречётс́я,/ и не прей́дет та́мо нечы́стый,/ и
ниже́ бу́дет та́мо путь нечы́ст;/ разсе́янии же по́йдут по нему́ и не
заблудят./ И не бу́дет та́мо льва,/ ни от зверей́ злых не взы́дет нань,/ и
ниже́ обря́щется та́мо,/ но по́йдут по нему́ изба́влении,/ и
собранный Го́сподем обрат́ятся и при́дут в Сио́н с ра́достью,/ и
ра́дость вéчная над главо́ю их,/ над главо́ю бо их хвала́ и весéлие,/ и
ра́дость при́мет я,/ отбеже́ болéзнь, печа́ль и воздыха́ние.**

Притчей чтéние (главы 10, 3 и 8):

**Па́мьять пра́веднаго с похвала́ми,/ и благослове́ние Госпо́дне на
главе́ его́./ Блаже́н челове́к, иже обрeте́ премудро́сть,/ и сме́ртен, иже
увeде́ ра́зум./ Лу́чше бо сию́ купова́ти,/ не́жели злата́ и сребра́
сокро́вища./ Честне́йшая же есть ка́мений многоце́нных,/ все же
честно́е недостóйно ея́ есть./ Долготá бо дней и ле́та живота́ в
десни́це ея́,/ в шу́йце же ея́ богáтство и сла́ва./ От уст ея́ исхо́дит
пра́вда,/ зако́н же и ми́лость на язы́це но́сит./ Послу́шайте ўбо мене́,
о ча́да,/ честна́я бо реку́,/ и блаже́н челове́к, иже пути́ моя́ сохрані́т:/
исхо́ди бо мой – исхо́ди живота́,/ и уготовля́ется хоте́ние от Го́спода./
Сего́ ра́ди молю́ вас/ и предлага́ю мой глас сыновом́ челове́ческим,/ я́ко аз,
премудро́сть, устро́их сове́т/ и ра́зум, и смысл аз призва́х./
Мой сове́т и утвержде́ние,/ мой ра́зум, моя́ же кре́пость./ Аз мене́**

любящия люблю,/ ищущий же мене обрящут благодать./ Разумейте
убо, незлобиви, коварство,/ ненаказанный же, прилагайте сердца./
Послушайте мене и паки, честная бо реку,/ и отверзу от устен
правая,/ яко истине поучится гортань моя,/ мерзки же предо мною
устны лживыя./ С правдою вси глаголы уст моих:/ ничтоже в них
стропотно, ниже развращенно./ Вся права суть разумевающим/ и
проста обретающим разум./ Научаю бо вас истине,/ да будет о
Господе надежда ваша,/ и исполнитесь Духа.

Притчей чтение (главы 10 и 11):

Уста праведнаго каплют премудрость,/ язык же неправеднаго
погибнет./ Устне мужей праведных каплют благодати,/ уста же
нечестивых развращаются./ Мерила лстивая – мерзость пред
Господом,/ вес же праведный приятен Ему./ Идеже аще внидет
досаждение, тамо и безчестие,/ уста же смиренных поучаются
премудрости./ Совершение правых наставит их,/ и поползновение
отрицающихся упасет их./ Не пользуют имения в день ярости,/
правда же избавит от смерти./ Умер праведный, остави раскаяние,/
наручна же бывает и посмеятельна нечестивых пагуба./ Правда
непорочнаго исправляет пути,/ в нечестие же падает неправда./
Правда мужей правых избавит их,/ безсоветием же пленяются
беззаконный./ Скончавшуся мужу праведну, не погибнет надежда,/
похвала же нечестивых погибнет./ Праведник от лова убежит,/ в
негоже место предается нечестивый./ Во устех нечестивых сеть
гражданом,/ чувство же праведных благоспешное./ Во благих
праведных исправится град,/ и в погибели нечестивых радование./
Во благословении правых возвысится град,/ усты же нечестивых
раскопается./ Ругается граждани лишенный разума,/ муж же
мудрый безмолвие водит.

<далее см. основной Чин>

Изменяемое №4

Лития *глас 1:*

Во благознаменитый день праздника нашего/ вострубим духовною
трубою,/ духовно радуящиеся и светло торжествующе,/ всесвятую и
всечестную память отца нашего/ и любезно воззовем ему,

глаголюще:/ радуйся, пастырю и учителю наш/ и светило монашествующих пресветлейшее,/ отче наш Ниле приснопамятне./ Христу, Ему же усердно поработал еси, отче,/ о нас прилежно молись,/ верою и любовью чтущих тя.

Глас 4: Священными днесь песнями/ священнейшую память отца нашего,/ яко цветы, увенчаем,/ похвальные венцы плетуще,/ и любовь прославляюще того священнейший подвиги,/ и в веселии вопиюще ему:/ радуйся, цвете монашествующих краснейший,/ во удолиих пустынных прозябший/ и добрых дел совокупленными странау Белоезерскую украсивый./ Радуйся, древо благоплодное,/ при исходящих вод псаломски насажденное/ и плодами исправлений и богомудрых писаний твоих/ множества иночествующих питающее,/ Радуйся, постнических мир алавастр многоценный,/ Христову Церковь облагоухавший./ Но, о преблаженне и приснопамятне Ниле, отче наш,/ не престай о нас моляся ко Господу,/ да избавит нас от всякого вреда/ и спасет души наша.

Приидите, празднлюбных соборы,/ приидите, возвеселитесь с нами,/ и, лик составльше, торжествуим:/ се бо настала всепразднственная и светносная память Богоносного отца/ и светлаго миру светильника,/ нам же превозделеннейшаго пастыря и учителя,/ и ко спасению наставника, и о всех теплаго предстателя,/ молитбоса выну ко Господу/ дароватися всем велией милости.

Слава, глас 6: Еже по образу Христову соблюл еси невредно,/ умладыку на страсти пагубныя постнически поставив,/ и на высоту добродетелей,/ яже по подобию Спасову,/ яко мощно, возшел еси,/ мужески бо естество понудив,/ потщался еси худшее покорити лучшему/ и плоть поработити духу./ Тем и монашествующим наставник явился еси,/ житель пустынный,/ воистинну благотекущих учитель/ и добродетелей известнейшее правило,/ и ныне на Небесех зеркалом разрешшимся,/ отче наш Ниле приснопамятне,/ чисте зриши Святую Троицу,/ моляся присно о всех, верою и любовью чтущих тя.

И ныне, Богородице: Богородице, Ты еси лоза истинная,/ возрастившая нам Плод живота,/ Тебе молимся:/ молися, Владычице, со святыми апостолами/ помиловати души наша.:

<далее см. основной Чин>

Изменяемое №5

По полиелёи седáлен *глас 4:*

Удивил еси, Владыко Христе,/ показав нам во отце нашем такового светильника:/ той бо, яко солнце, лучи чудес испущая,/ осиявает верных собрания и просвещает соборы монашествующих светлостью жителства./ Тем тому любезно воззовём:/ Богонóсе и всеблаженне óтче наш Нíле,/ моли Христа́ Бóга грехов оставление даровати/ празднующим любовию всечестную память твою.

Слáва, и ныне: Удивилася, Чистая, вси Ангелов чины и человеческая множества/ таинству Твоего рождения странному:/ како бо Неискусомужная Млекопитательница еси/ и держиши на руку Твою Питáющего всю тварь и Содержáщего./ Тémже вопиём Ти:/ Богородице Приснодéво, моли Сы́на Твоего грехов оставление даровати/ véрою поклоняющимся пресвятому рождеству Твоему.

Изменяемое №6

Степéнна, 1-й антифóн 4-го глáса.

Прокимен *глас 7:* Честна пред Господом / смерть преподобных Его.

Стих: Что воздам Господеву о всех, яже воздаде ми?

<далее см. основной Чин>

Изменяемое №7

По 50-м псалме стихíра *глас 6:*

Рáдостно днесь стéкшеся, брáтие,/ и духо́вный лик составля́ше,/ торжеству́им свéтло,/ и Божéственными пёсньми лётнюю па́мь почтíм Богонóснаго отцá,/ пáстыря и учíтеля нáшего,/ яко цвёты, увенча́ем похвалáми тогó священную главú/ и, всечестную егó рáку окруж́ивше,/ возопиём, глаго́люще:/ рáдуйся, Нíле благоглаго́ливый,/ веселя́щий словéс тво́их течéньми собóры и́ночествующих./ Рáдуйся, свeтíльниче мона́шествующих светозáрный./ Рáдуйся, пóстническая красотó и утверждéние./ Прииди́ и ны́не к нам неvíдимо/ и благословí чáда тво́я,/ сподобля́я ны тво́их невещéственных дарóв,/ ихже богáтно от Христа́ при́ял

есі,/ вёрно от любвѣ тебѣ чтѹщія/ и прерáдно совершáющія
твой всечестнѹй и светонóсный прáздник;/ избáви нас от страстѣй
мучѣтельства/ и всяких скорбѣй и обстояній/ и обѣтель твою
соблюди невредѣму/ и всем вся полѣзная дáруй/ ко Гóсподу твоими
моли́твами.

<далее см. основной Чин>

Изменяемое №8

Канóн свята́го *глас 4.*

Песнь 1

Ирмо́с: Отвѣрзу уста́ моя,/ и напо́лнятся Дѹха,/ и сло́во отрѣ́гну Цари́це
Ма́тери,/ и явлю́ся, свѣ́тло торжествѹя,/ и воспою́, ра́дуясь, То́я чудеса́.

Грехóвною тьмо́ю покрывáемь,/ не могу́ я́сно зрѣти к высотѣ
исправлѣний твоѣх, óтче,/ но ты, я́ко сострадáтелен и мѣлостив,/ по́мози ми, возсия́вая спасѣ́тельный в ду́шѣ моѣ́й свѣ́т,/ да пою́,
ра́дуясь, свѣ́тлая тво́я исправлѣ́ния и пресла́вная чудеса́.

Мы́сленный рай показáлся есѣ́, óтче,/ произра́щая разлѣ́чных
добродѣ́телей цвѣ́ты,/ плоды́ кра́сны своему́ Влады́це принѣ́сл есѣ́,
укра́сившему́ ты чудеса́.

Еди́ну преступѣ́в за́поведь, перво́зданный из ра́я изгна́н бысть;/
ты же, преподо́бне, за́поведей Влады́чних соблюде́нием наслѣ́дник
сего́ показáлся есѣ́,/ дрѣ́ва живóтнаго наслажда́ясь прѣ́сно/ и, в
весѣ́лии чѣ́стаго се́рдца твоего́ зря́ Гóспода,/ Божѣ́ственного свѣ́та
Его́ причаща́ешься.

Неукло́нно шѣ́ствуя по стопáм за́поведей,/ жезл си́лы, Крест
Христóв в рука́х держа́,/ в приста́нище безстра́стия дости́гл есѣ́,
óтче,/ тем и благода́ть при́ял есѣ́ целѣ́ти недѹ́ги челове́ков/ и
пресла́вная творѣ́ти чудеса́.

Богоро́дичен: Ны́не вре́мя по́мощи Твое́я, Влады́чице,/ при́зри
мѣлостиво на озлоблѣ́ние Твоего́ раба́, Чѣ́стая,/ пода́ющи утешѣ́ние
мне,/ я́ко да и аз воспою́, ра́дуясь, Божѣ́ственная Тво́я чудеса́.

Песнь 3

Ирмо́с: Тво́я песносло́вцы, Богоро́дице,/ живѣ́й и незавѣ́стный исто́чнице,/ лик
себе́ совокúпльши́я, ду́ховно утверди́,/ в Божѣ́ственной Твое́й сла́ве/ венце́в сла́вы
сподо́би.

Не гордяся, дерзну́х песнь приноси́ти тво́ей свяще́нной па́мяти, о́тче,/ но лю́бовию тво́ею двíжим, Боголюбе́зне,/ приими́ у́бо сию́ от твоего́ раба́/ и ко Го́споду ходата́йствы тво́ими спасе́ния сподо́би мя.

Любо́вию тя чту́щая, о́тче, спасáй от бед и обстоя́ний,/ в честне́й тво́ей па́мяти лик себѣ совоку́пльшия,/ и коле́блемыя ны страсте́й бу́рею утверди́ тво́ими мо́льба́ми/ и во приста́нище спасе́ния дости́гнути сподо́би.

Кто изрече́т тво́я по́двиги, о́тче,/ и смире́ния твоего́ высо́ту кто ска́жет?/ Вои́стинну Христо́в уче́ник был еси́, о Боголюбе́зне,/ и снасле́дник Того́ Ца́рствия./ Помина́й у́бо ча́д тво́их, о́тче, моля́ся Христу́,/ да и нас ча́сти спаса́емых сподо́бит.

Неключи́м аз есмь и всячески́ непотре́бен/ и недоуме́ю по досто́янию воспѣти тво́я, яже к Бо́гу, исправле́ния,/ но, о́тче благосе́рде, лю́бовь и ве́ру приими́/ и тво́ими свяще́нными ходата́йствы спасе́ния мя сподо́би.

Богоро́дичен: Недоуме́ет вои́стинну всяк язы́к челове́ческий/ досто́йно славосло́вити Тя, о Влады́чице, по досто́янию;/ аз же, неве́жеством и грехи́ мно́гими одержи́м,/ что́ има́м прине́сти Тебе́, Благо́я?/ Оба́че лю́бовь и ве́ру Твоего́ раба́ приими́/ и спасе́ния сподо́би мя.

Ин конда́к, глас 3: Терпя́, потерпе́л еси́ су́етныя обы́чаи/ и мирски́я нра́вы бра́тии тво́их,/ обре́л еси́ пусты́нное безмо́лвие, преподо́бне о́тче,/ иде́же постом, бде́нием и непреста́нною моли́твою в трудѣх подви́зався,/ уче́ными тво́ими пра́выя стези́ указáл еси́ нам/ ше́ствовати ко Го́споду./ Те́мже и почита́ем тя, всеблаже́нне Ни́ле.

Седáлен, глас 8: От дея́ния на высо́ту Божѣ́ственного востѣ́кл еси́, о́тче, видѣ́ния/ и, молча́ние коне́чное облобыза́в,/ безмяте́жным умо́м Бо́гу при́сно бесе́довал еси́,/ сего́ ра́ди разумѣ́нии Божѣ́ственными отту́ду обогати́лся еси́, блаже́нне,/ и был еси́ па́стырь и наста́вник послѣ́дующим равноа́нгельному жити́ю твоему́./ Тем, Богоно́се о́тче наш Ни́ле,/ моли́ Христа́ Бо́га грехо́в оставле́ние дарова́ти/ пра́зднующим лю́бовию святу́ю па́мять твою́.

Сла́ва, и ны́не: В пучи́ну лю́те впа́в уны́ния/ от мно́жества грехопадéний мо́их, Чи́стая,/ приидо́х в недоуме́ние и отча́янием ны́не одержу́ся./ Влады́чице Богоро́дице, Ты мя спаси́, Ты ми помози́,/ грéшным бо Ты еси́ очище́ние,/ я́ко да и аз, со все́ми, получи́вшими Тобо́ю спасе́ние,/ веселя́ся, воспою́ непости́жное та́инство рождества́ Твоего́ и безме́рную Твою́ ми́лость.

Песнь 4

Ирмо́с: Седя́й в Сла́ве на Престо́ле Божества́/ во о́блаце ле́гце,/ прии́де Иису́с Пребоже́ственный/ Нетле́нною Дла́нию и спасе́ зову́щия:/ сла́ва, Христé, си́ле Твое́й.

Низве́ргл еси́ вся вра́жия, о́тче, ополче́ния,/ стоя́ бо́дренно на стра́жи внимáния/ и изда́леча предзря́ сих кова́рныя се́ти,/ моли́твою же и постом безбе́дно прелета́я, победи́тельно пел еси́:/ сла́ва, Христé, си́ле Твое́й.

Всегда́ во уме́ имéя страда́ния Спа́са на́шего и во́льное на Крестé распя́тие,/ сраспя́лся еси́ Тому́ умерщвлéнием плóти, преподо́бне,/ и, Того́ Божéственною любóвию уязви́в твоé се́рдце, Боголюбéзне,/ показáлся еси́ уми́ления исто́чник, слезоточа́ прísно и поя́:/ сла́ва, Христé, благоутро́бному снизхожде́нию Твоему́.

Христо́вою уязвлен любóвию,/ слéзныя то́ки непреста́нно из очéс излива́л еси́, Ни́ле, о́тче наш приснопа́мятне,/ и в пусты́ни, я́ко в рай, водворя́йся,/ непреста́нныя приноси́л еси́ моли́твы, поя́ прísно:/ сла́ва, Христé, си́ле Твое́й.

Увы́, коли́ким нечу́вствием содержи́м есмь, ока́янный аз:/ ни сме́рти бою́ся, ни стра́шнаго суди́ща трепéщу,/ вся́кому злу пови́нен сый./ Но, о душе́ всестра́стная,/ понé отны́не воспряни́ в пока́янии, Христу́ зову́щи:/ Твоего́ ра́ди уго́дника Ни́ла, пощади́ мя, Спа́се,/ и испра́ви стопы́ моя́, Влады́ко, всемогуще́ю си́лою Твое́ю.

Богоро́дичен: Богоро́дице Де́во, христиа́н всех всенаде́жное упова́ние,/ спаси́ мя, отча́яннаго, о Ма́ти Милосе́рдая,/ оживи́ душе́ю умерша́го, Жизнь всех ро́ждшая;/ Живоно́сный Исто́чнице, напо́й мя уми́ления вода́ми,/ знóем страсте́й лю́те опаля́емаго,/ да, пока́яния

слезами прохлаждаемъ, благодарно воззову:/ слава, Владычице, всемо́щей силе Твое́й.

Песнь 5

Ирмо́с: Ужасо́шася вся́ческая/ о Божество́нной сла́ве Твое́й:/ Ты бо, Неискусобра́чная Дѣво,/ имѣла еси́ во утробѣ надъ все́ми Бо́га/ и родила́ еси́ Безлѣ́тнаго Сы́на,/ всемъ воспѣва́ющимъ Тя/ мир подава́ющая./

Отце́в дре́вних Святы́я Горы́ жити́ю подража́я,/ Богонóсе óтче наш, Нíле приснопа́мятне,/ во оти́шие пусты́ннаго безмо́лвия поте́кл еси́, ра́дуйся,/ и, та́мо во смире́нии пло́ды принося́ дýха,/ по премно́гу благоугоди́л еси́ сла́вою чудесъ тво́ихъ Обога́тившему.

Госпо́дни за́поведи исполня́я,/ крóток и незло́бив, óтче, был еси́,/ смире́н и прост, и во всехъ добродѣ́теляхъ благоиску́сен,/ тем и Свята́го Дýха орга́н яви́лся еси́, премýдре,/ науча́я и вразумля́я ча́да тво́я досто́йно ходи́ти во следъ Христу́,/ во смире́нии Тому́ служа́щим, спасе́ние пода́ющего.

Ны́не, преподо́бне, прие́мля на Небесе́х по́чести трудо́в твои́х,/ не забуди́ нас, твой пра́здникъ ра́достно пра́зднующи́х,/ но испроси́ грехо́в разреше́ние, моля́щи Христа́,/ просла́вльшихъ Его́ сла́влящимъ, спасе́ние пода́ющего.

Обле́клся еси́ во Христа́, Богомýдре, безстра́стия оде́ждою украси́вся,/ сострада́телен и ми́лостив, óтче, был еси́ согреша́ющимъ,/ смиренномýдро поуча́я и возбужда́я к пока́йнию и ко Христу́ приводя́я,/ всемъ, во смире́нии прося́щимъ, спасе́ние пода́ющему.

Богоро́дичен: Оде́ждою студа́ облеко́хся ока́янный аз,/ совлече́н боготка́нная, ю́же во Креще́нии прияхъ, оде́жды, о Дѣво Всенепоро́чная!/ Но молю́ Тя, Всеми́лостивая,/ во оде́жду мя спасе́ния па́ки облекы́, да досто́ин бу́ду бра́ка А́гнца,/ Ему́же от чи́стыхъ крове́й Твои́хъ багряни́цу плóти истка́ла еси́,/ всемъ, воспѣва́ющимъ Тя, спасе́ние пода́ющему.

Песнь 6

Ирмос: Божественное сие и всесестное/ совершающе празднество,/ Богомудрии, Богоматере,/ приидите, руками восплещим,/ от Ней рождаемого Бога славим.

С лики святых в Небесных ныне водворяясь селениях, о Ниле Богосе,/ и со дерзновением предстоя Пресвятей Троице,/ нас, твоих чад, не забуди, отче,/ но испроси грехов разрешение твой праздник радостно празднующим,/ да благодарно ты прославляшаго Бога славим.

Новый благодетный в Российской земли источник явился еси, Богосе,/ струи исцелений изливая от святого твоего гроба/ верою несумненною притекающим к тебе, Ниле, отче наш,/ мы же, веселия исполняеми, ты прославляющего Бога славим.

Усердно от юности твоея даже до честного преставления/ совестью чистою Христу послужил еси, преподобне,/ Того храня Божественныя заповеди,/ нестяжанием бо и нищетою себе оградив,/ на камени терпения твоя стопы, мудре, утвердил еси, Ниле, отче наш.

Многая твоя, о, отче, исправления и яже в Бозе труды и подвиги твоя,/ пощение и бдение, долу легания и злострадания,/ нищету и совершенное нестяжание кто изрещи возможет?/ Воистинну бо истинен монах показался еси, Боголюбезне,/ тем и мы, любезно твою память чтуще, ты укрепляшаго Бога славим.

Богородичен: Утроба Твоя, о Дево Пренепорочная, пространнейшая небес показася,/ вместившая Невместимаго Бога./ О, преславных вещей!/ О, непостижимаго Ангелом и человеком, на Тебе совершившагося таинства!/ Тем Тя, Богородицу, воистинну исповедающе,/ от Тебе рождаемого Бога славим.

Кондак, глас 8: Любве ради Христовы удалився мирских смущений,/ радостною душею вселился еси в пустыни,/ в нейже подвизався добре,/ яко Ангел на земли, отче Ниле, пожил еси:/ бдением бо и постом тело свое изнурил еси вечныя ради жизни./ Еяже ныне сподобився,/ во свете неизреченныя радости Пресвятей Троице со святыми предстоя,/ моли, молимтися, припадающе, чада твоя,/

сохранится нам от всякаго навета и злых обстояний/ видимых и невидимых враг/ и спастися душам нашим.

Икос: Ангельскому поревновав житию и великим во отцех подобяся,/ всего себе отрешил еси мирскаго сплетения,/ к подвигам же постничества мужески вооружився,/ опасно путем Божиих заповедей шествовал еси, блаженне./ Темже и мы, верно чтущии твою священную память,/ похвалами ублажаем тя сими:/ радуйся, ангельскаго жития подражателю;/ радуйся, древних великих отец житию преемниче./ Радуйся, невидимых врагов мужественный победителю;/ радуйся, заповедей Божиих хранителю усердный./ Радуйся, отеческих Богодухновенных преданий опасный ревнителю;/ радуйся, монашескаго постническаго жительства законоположителю./ Радуйся, добродетелей чистейшее зеркало;/ радуйся, Духа Святаго сладкогласный орган./ Радуйся, образе глубокаго смирения;/ радуйся, ревностный исполнитель Божественных дел./ Радуйся, яко тобою научихомся непрелестным путем жития ходити;/ радуйся, яко твоим за ны ходатайством спасение получить надеемся./ Радуйся, Ниле чудотворче, отче наш.

Песнь 7

Ирмос: Не послужиша твари Богомудрии/ паче Создавшаго,/ но, огненное прещение мужески поправше,/ радовахуся, поюще:/ препетый отец Господь и Бог, благословен еси.

Песнь препросту усердно приношу ти, отче:/ прими убо сию от недостойнаго/ и не возгнушайся мене, паче всех грешнейшаго, о преблаженне,/ но, милостивно преклонься, спасение улучшить твоим предстательством сподоби,/ да, радуясь, пою:/ препетый отец Господи и Боже, благословен еси.

Един с единым Богом непрестанно беседовал еси, отче,/ чистыя молитвы чистым и немятежным умом Тому принося/ и совестию чистою, о Богомудре,/ от деяния бо к видению востек, весь боговиден содеялся еси, блаженне, присно поя:/ препетый отец Господи и Боже, благословен еси.

Плодоно́сен сад показáлся еси́, о́тче, приносящ пло́ды дýха,/ любвѣ бо и радости преиспóлнен был еси́,/ мíра, долготерпѣния, крóтости и воздержáния,/ и, я́ко Христóв во́истинну, плоть распина́я со страстьми́ и похотьми́, и прíсно поя́:/ препѣтый отцѣв Гóсподи и Бóже, благословѣн еси́.

Не мýдростию, но любóвию тебѣ пою́щаго примí, о о́тче,/ и, светоси́янною твоѣю моли́твою забвѣния и невѣдения тьму разгна́в,/ помози́ ми вопíти прíсно:/ препѣтый отцѣв Гóсподи и Бóже, благословѣн еси́.

Богорóдичен: Под кров Твой, Влады́чице, прибега́ющего не отри́ни,/ но, я́ко Всеми́лостивая, спаси́ убо́гаго раба́ Твоего́,/ от безме́рных согрешѣний мо́их избавля́ющи мя, да, раду́ясь, пою́:/ препѣтаго отцѣв Гóспода и Бóга Ма́ти, во ве́ки благословѣнна еси́.

Песнь 8

Ирмо́с: О́троки благочестíвыя в пещи́/ Рождество́ Богорóдичо спасло́ есть;/ тогда́ убо образу́емое,/ ны́не же де́йствуемое,/ вселѣ́нную всю воздвизáет пѣти Тебѣ:/ Гóспода по́йте, дела́,/ и превозно́сите Его́ во вся ве́ки.

О́тче наш Нíле приснопа́мятне,/ краснó и добрó во́истинну жити́е препроводи́л еси́, о Боголюбѣ́зне:/ мирскíя бо молвы́ избежа́в и в пусты́ню уединíвся,/ скóрби по́стныя сѣял еси́ со слезáми,/ но ны́не, раду́ясь, жне́ши присноживóтия клáсы.

Еди́ному та́йная ве́дущему Бóгу вта́йне порабо́тал еси́, о́тче,/ во смире́нии проходя́ добродѣ́телей по́прище, о блаже́нне,/ по преставлѣ́нии же твоѣм явлѣ́н и свѣтел еси́ чудесы́, пѣти воздвизáя вѣрныя:/ Гóспода по́йте, дела́, и превозно́сите Его́ во вся ве́ки.

Божѣ́ственною благода́тию, сýщею в тебѣ́,/ источáеши исцелѣ́ния и прогоня́еши дýхи лука́вствия/ от приходя́щих к тебѣ́ вѣ́рно, Нíле всеблаже́нне./ Тем и мы любѣ́зно чтим твою́ всесвяще́нную па́мь, вѣ́село пою́ще:/ Гóспода по́йте, дела́, и превозно́сите Его́ во вся ве́ки.

Богорóдичен: Услы́ши, Влады́чице, болѣ́зненное воздыхáние Твоего́ раба́,/ разрешíвши верíги мо́их согрешѣний,/ печáль на радость

преложі и болѣзни премени вскорѣ,/ да, радуясь, пою Тя, Дѣво,/ и превозношу, Чистая, во вся вѣки.

Пѣснь Богородицы: Величит душá моя Господа: <см. основной Чин>

Песнь 9

Ирмос: Всяк земнорóдный/ да възгра́ется, Ду́хом просвещáемь,/ да торжествует же Безплóтных умóв естество́,/ почита́ющее свяще́нное торжество́ Богома́тере,/ и да вопи́ет:/ радуйся, Всеблаже́нная Богородице,/ Чистая Приснодѣво.

Пресвѣтел свѣти́льник отѣчеству твоemú яви́лся еси́, преподо́бне,/ осиява́я свѣтлостію тво́ею жи́тельства на́ша и чудес сія́ньми,/ и́миже по преставлѣ́нии тво́ем просла́вился еси́, о блаже́нне./ Тем, твою́ светонóсную пáмять чту́ще,/ Христа́ сла́вим, свѣтло ты прославля́ющего.

Егда́ красни́и твои́ нóзе, дóбре по спасѣ́ния путі́ тѣкшія,/ на одрѣ смѣртном простѣ́рл еси́, блаже́нне,/ тогда́ ученицы́ твои́, слѣзы точáще, глаго́лаху:/ ка́мо отхо́диши, пáстырю наш,/ и кому́ оставля́еши ча́да тво́я, óтче,/ и́хже духо́вне породі́в, воспитáл еси́ млеко́м твоего́ му́драго наставлѣ́ния?

Пла́чем мое́я ра́дости не растворя́йте, о ча́да, –/ ты рекл еси́ им, о Богоблаже́нне, –/ аз бо, веселя́ся, отхожду́ при́яти венѣ́ц пра́вды,/ егóже обеща́ Христо́с Того́ любя́щим,/ иде́же и вы потщи́тесь пости́гнути, соблю́дше Того́, вку́пе и моя́ за́поведи.

Да воспла́чет вку́пе с на́ми пусты́ня сия́, о óтче,/ áще бо и процветѣ́, я́ко крин,/ красу́ющийся богоугóдным жи́тельством твои́м,/ но не имѣ́я по тебѣ́ дóбраго дѣлателя́,/ тѣрние и волче́ц и́мать возра́стити./ Обáче не оста́ви посещáти ста́до твоѣ́, óтче,/ и сам ты упаси́ тебѣ́ велича́ющія.

Не забуди́ и ны́не нас, обита́ющих на мѣ́сте твоего́ трудополо́жнаго жи́тельства,/ о Нíле Богоно́се, óтче наш,/ и пѣснь усѣ́рдно тебѣ́ принося́щим ходáтайствуй спасѣ́ние:/ ты бо, о всеблаже́нне, моли́твенника и предста́теля ко Господу́ стяжа́вше,/ наде́жды да не отщети́мся, вѣ́рно ты чту́щий.

Богородичен: Оде́ждою спасѣ́ния одѣ́й мя,/ о всенаде́жное спасѣ́ния моего́ упова́ние, Ма́ти Бо́жия,/ на Тебѣ́ наде́юся, Всеми́лостивая:/

сокро́вищница бо еси́ мѣлости и вся спаса́еши, к Тебѣ прибега́ющия./
Спаси́ убо и мене́, отча́яннаго, да благода́рно пою́:/ ра́дуйся,
Всеблаже́нная Богоро́дице, Чи́стая Присноде́во.

<далее см. основной Чин>

Изменяемое №9

Свети́лен:

По́двиги твои́ми, о Богоблаже́нне, удиви́л еси́ А́нгелы и челове́ки,/ Бо́га же возвесели́л еси́,/ тем тя чтим ве́рно, твою́ торже́ствующе па́мь, / Ни́ле Богонóсе, óтче наш.

Сла́ва, и ны́не: Вели́чия Твоя́, о Де́во и Богоро́дице Чи́стая, / превосхо́дят всякое челове́ков разумѣ́ние, / о́баче дерза́ем, брѣ́ннии, любѣ́зно Тебе́ вопи́ти:/ ра́дуйся, А́нгелом и челове́ком превожделѣ́нная Ра́досте.

<далее см. основной Чин>

Изменяемое №10

На стихо́вне стихи́ры *глас 6:*

А́нгельския премѣ́рныя си́лы / твоemú жити́ю удиви́шася, преподо́бне, / во плóти бо сый, безплóтныя враги́ победи́л еси́ / и, постóм и моли́твами воскрися́емь, / вне ми́ра и плóти богомы́сленно летáя, / кра́я желáний дости́гл еси́, / ра́достно Христу́ взыва́я: / благослове́н, прише́дый спасти́ нас, / Спа́се наш, сла́ва Тебе́.

Стих: Се удали́хся, бе́гая, / и водвори́хся в пусты́ни.

Бе́гая ми́ра, / удалѣ́лся еси́ в пусты́ню псалóмски, / и, та́мо водвори́вся, / Бо́га, спаса́ющего тя, обрѣ́л еси́, преподо́бне, / и, обрѣ́т, в себѣ удержа́л еси́: / прише́д бо, Христóс со Отце́м и Ду́хом Святы́м / оби́тель в тебѣ сотвори́. / Те́мже и мы, па́мь твою́ торже́ствующе, / ра́достно взыва́ем: / благослове́н еси́, И́же во святы́х прославля́емый, / Спа́се наш, сла́ва Тебе́.

Стих: Аз к Бо́гу воззва́х, / и Госпо́дь услы́ша мя.

Непреста́нно моли́твою и ума́ трѣзвостію / Бо́гу взыва́л еси́, преподо́бне, / и Той услы́ша тя войсти́нну; / тем и, я́ко безплóтен, на земли́ пожив, / воздержáнием стра́сти умертви́л еси́ / и глубóким смиренномуд́рием твои́м смири́л еси́, / я́ко я́звлена, го́рдаго диáвола, / победи́тельно Христу́ взыва́я: / благослове́н, снизше́дый и спасѣ́й нас, / Спа́се наш, сла́ва Тебе́.

И ны́не, Богоро́дичен: Творец и Избавитель мой, Пречистая,/ Христос Господь, из Твоих ложесн прошед,/ в мя оболкийся, первыя клятвы Адама свободи./ Темже Ти, Всечистая,/ яко Божии Матери же и Деве,/ воистинну вопием немолчно:/ радуйся, Ангельски, радуйся, Владычице,/ предстательство и покрове,/ и спасение душ наших.

<далее см. основной Чин>

Утром 20 мая

Изменяемое №11

По 1-м стихословии седальны *глас 1:*

Усérдно днесь стéкшеся, брáтие,/ духо́вный лик соста́вим в честнéй пáмяти отцá нáшего,/ пéсни и благохвалéния томú плетúще,/ благоговéйно почтíм духо́вныя егó пóдвиги, побéды и борéния,/ íмиже победí многокóзненного врагá/ и я́ко победонóсец венча́ся свéтло от Христá Бóга и Спáса душ нáших.

Слáва, и ны́не, Богоро́дичен: *<далее см. основной Чин>*

Изменяемое №12

По 2-м стихословии седальны *глас 3:*

Свéтлое торжество́ соверша́юще днесь, брáтие,/ воспо́йм Христá Избáвителя нáшего,/ хвалú томú принося́ще и взыва́юще:/ возвели́чил есí, Христé, Твоегó уго́дника,/ показáв нам тогó чудес истóчник,/ источáет бо от свята́го своегó грóба исцелéний стру́и/ вéрно притека́ющим и любóвию чтúщим тогó/ и Тебé, Спáсе, сла́влящим,/ сла́влящия Тя прославля́ющаго.

Слáва, и ны́не, Богоро́дичен: *<далее см. основной Чин>*

Изменяемое №13

Тропа́рь *глас 4:*

Удалíвся, бéгая, дави́дски, ми́ра,/ и вся, я́же в нем, я́ко умéты, вмени́в,/ и, в ме́сте безмо́лвне всели́вся,/ духо́вныя ра́дости испо́лнился есí, óтче наш Нíле,/ и, еди́ному Бóгу изво́лив служи́ти,/ процвéл есí, я́ко фи́никс,/ и, я́ко лозá благоплóдна,/ умно́жил есí ча́да пусты́ни./ Тем благодарственно вопи́ем:/ сла́ва Укре́пльшему тя в пóдвиге пустынножíteльства;/ сла́ва Избра́вшему тя в Росси́и/ отше́льником уставополо́жника изря́дна;/ сла́ва моли́твами твоими и нас Спаса́ющему.

Ин тропáрь, глас 1:

Мирска́го жити́я отвѣргся/ и мятѣ́жа житѣ́йскаго бѣ́гая,/ преподо́бне и Богоно́сне о́тче наш Нíле,/ не обленíлся есѝ сопроти́ цветы райскія́ от писáний отѣ́ческих/ и, в пусты́ню вселíвсь,/ процвѣ́л есѝ, я́ко крин сѣ́льный,/ отоню́ду же прешѣ́л есѝ и в Небѣ́сныя обíтели;/ научѝ́ и нас, чѣ́стно почита́ющих тя,/ тво́им ца́рским путе́м шѣ́ствовать/ и моли́ся о душа́х на́ших.

<далее см. основной Чин>

Изменяемое №14

На хвалíteх стихíры:

Стíх: Сотвори́ти в них суд напíсан./ Сла́ва сия́ бу́дет всем преподо́бным Егó.

Стíх: Хвалíté Бо́га во святы́х Егó,/ хвалíté Егó во утвер́жении́ сýлы Егó.

Стíх: Хвалíté Егó на сýлах Егó,/ хвалíté Егó по мно́жеству вели́чества Егó.

Глас 8. О, пресла́внаго чудесé!/ В послѣ́дних рóдах просия́ свети́ло мона́шествующих,/ Нил, премúдры́й о́тец наш,/ златостру́йныя бо рѣ́ки учéний излия́/ и одушевлѣ́н о́браз себѣ́ сама́го показá/ íстинно мона́шествовати́ желáющим,/ егóже моли́твами, Христé, спаси́ ду́ши на́ша,/ я́ко едíн Благоутрóбен.

Стíх: Хвалíté Егó во гласе́ тру́бнем,/ хвалíté Егó во псалти́ри и гýслех.

О, пресла́внаго чудесé!/ Божѣ́ственныя благода́ти испóлнен,/ явísя Нил, блаже́ннейший о́тец наш;/ ум бо к Бо́гу вперíв,/ весь световíден показáсь,/ тѣ́лом же в пусты́ни живы́й,/ дýхом на Небесéх обита́ше./ Егóже моли́твами, Христé, спаси́ ду́ши на́ша,/ я́ко едíн Благоутрóбен.

Стíх: Хвалíté Егó в тимпа́не и ли́це,/ хвалíté Егó во стру́нах и орга́не.

О, пресла́внаго чудесé!/ Исто́чник чудесéм показáсь/ Нил, преподо́бный о́тец наш,/ íбо и по смѣ́рти источáет исцелéния/ вѣ́рно притека́ющим к нему́./ Егóже моли́твами, Христé,/ стра́сти душ и телéс на́ших исцели́/ и спаси́ нас, я́ко едíн Благоутрóбен.

Стíх: Хвалíté Егó в кимвáлех доброгласных, хвалíté Егó в кимвáлех восклицáния./ Вся́кое дыха́ние да хва́лит Го́спода.

Преподо́бне о́тче наш Нíле,/ воíстинну ты, бѣ́гая мíра и водворя́ясь в пусты́ни,/ я́ко áгнец незло́бив,/ в ней упáслся есѝ на зла́це Божѣ́ственных писáний/ и, я́ко пчела́ трудолю́бна и премúдра,/ духо́вныя цветы́ облета́я,/ па́че ме́да сладча́йшия собра́л есѝ

словеса,/ ѿмиже питаеши чада твоѧ, ѡтче./ Тѣмже, днесь сошедшеся,/ ублажаем тя любовию,/ торжествующе священную твою пѧмь и молящеся тобою получитьи грехѡв оставление/ и велию милость душѧм нашим.

Слѧва: Духѡвный лик днесь совокупльше,/ божественне возвеселимся в священнейшей пѧмь отца нашего:/ се бо предлагает нам трапѣзу таинственную/ и питие сладчайшее,/ своих постнических подвигов высокая исправления,/ всякий разум удивляющия/ и душевные наша чувства услаждающия,/ ѿмиже духовне насыщаемы,/ хвалу усты недостѡйными тому принести потщимся./ Сей бо, лозѧ Христова винограда быв истинно,/ страхом суда и болезнями постническими/ точно сердца своего изгнетая,/ слезныя токи, яко вино, воистинну сердце веселящее,/ непрестанно точаше./ Тому днесь, духовне веселящеся, хвалу принесем,/ псаломски воупеваяще и глаголюще:/ честна пред Господом твоя смерть бысть, преподѡбне,/ и прерадостна нам твоя пѧмь, Боголюбѣзне,/ в нейже ныне духовне учреждаемы, молебнѡ тебе вопием:/ молися, Богѡсе ѡтче наш Нїле, ко Спасу всех,/ даровати нам единомыслие,/ мир и велию милость.

И ныне, Богородичен: <см. основной Чин>

Изменяемое №15

Кондак глас 8:

Любве ради Христовы удалився мирских смущений,/ радостною душею вселился еси в пустыни,/ в нейже подвижався добре,/ яко Ангел на земли, ѡтче Нїле, пожил еси:/ бдением бо и постом тело свое изнурил еси вечныя ради жизни./ Еяже ныне сподобився,/ во свете неизреченныя радости Пресвятей Троице со святыми предстоѧ,/ моли, молимтися, припадающе, чада твоѧ,/ сохранитися нам от всякаго навета и злых обстояний/ видимых и невидимых враг/ и спастися душѧм нашим.

Ин кондак, глас 3:

Терпя, потерпел еси суетныя обычаи/ и мирския нравы братьий твоих,/ обрел еси пустынное безмолвие, преподѡбне ѡтче,/ идеже постом, бдением и непрестанною молитвою в трудѣх подвижався,/ и

учёными твоими правыя стези указал еси нам/ шествовати ко Господу./ Темже и почитаем тя, всеблаженне Ниле.

<далее см. основной Чин>

На Литургии

Изменяемое №20

Прокимен, глас 7: Честна пред Господом/ смерть преподобных Его.

Стих: Что воздам Господу о всех, яже воздаде ми?

Изменяемое №21

Аллилуйя, глас 6: Блажен муж, бояйся Господа, в заповедех Его восхощет зело. *Стих:* Сильно на земли будет семя его.